

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet 8, telefon 049 218-220, faks 049 218-438
Ислахијет 8, телефон 049 218-220, факс 049 218-438
www.revizija-bd.ba

Broj:01-02-03-13-381/15
R: 02-07; 03-07; 07-07/15

**IZVJEŠTAJ O REVIZIJI FINANSIJSKOG POSLOVANJA
Pravosuđa Brčko distrikta BiH
za period 01.01.-31.12.2014. godine**

Brčko, august 2015. godine

SADRŽAJ

NEZAVISNO REVIZORSKO MIŠLJENJE.....	3	
REZIME DATIH PREPORUKA.....	5	
NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA PRAVOSUĐA BRČKO DISTRIKTA BIH ZA 2014. GODINU		6
1. UVOD	6	
2. OPĆI DIO	6	
3. PREDMET, CILJ I OBIM REVIZIJE	7	
4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2013. GODINU.....		8
5. NALAZI I PREPORUKE.....	8	
5.1. RUKOVODSTVO I SISTEM INTERNIH KONTROLA.....		8
5.2. PLANIRANJE I IZVRŠENJE TEKUĆEG BUDŽETA		9
5.2.1. Izdaci za bruto plate i naknade.....		10
5.2.2. Ugovorene Usluže.....		10
6. KOMENTAR.....	10	
7. PRILOZI.....	11	

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet 8, telefon 049 218-220, faks 049 218-438
Ислахијет 8, телефон 049 218-220, факс 049 218-438
www.revizija-bd.ba

PRAVOSUĐE BRČKO DISTRIKTA BiH

n/r Safetu Pizoviću, dip. iur., predsjedniku Pravosudne komisije

NEZAVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Pravosuđa Brčko distrikta BiH (u daljnjem tekstu: Pravosuđe), za period **01.01-31.12.2014.** godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Predsjednik Pravosudne komisije je odgovoran za finansijsko poslovanje Pravosuđa i usklađenost poslovanja iz svoje nadležnosti sa važećim zakonskim i drugim propisima, programom rada i odobrenim pozicijama budžeta. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju kao primjerenost i ponašanje rukovodnog osoblja nad sredstvima i imovinom koja mu je dana na upravljanje.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj: 40/08 i 29/14) i primjenjivim okvirom ISSAI revizijskih standarda. Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija uključuje sprovođenje postupaka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama budžeta. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima, i zadovoljavaju standarde revizije.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju finansijsko poslovanje Pravosuđa Brčko distrikta BiH, u periodu **01.01.-31.12.2014.** godine, nema značajnih neusaglašenosti s važećim zakonskim propisima kao i odobrenim i izvršenim pozicijama budžeta.

Zamjenici glavnog revizora:

Amra Ilić, dipl. oec.

Mr. sci. Savo Grujić, dip. oec.

Glavni revizor

Nekir Suljagić, dipl. oec.

REZIME DATIH PREPORUKA

Izvršenom revizijom finansijskog poslovanja Pravosuđa Brčko distrikta BiH za 2014. godinu, konstatovali smo određeni broj propusta i nepravilnosti, a u cilju otklanjanja istih dali smo slijedeće preporuke:

Potrebno je u roku predviđenim odredbama Zakona o reviziji javne uprave i institucija u Brčko distriktu BiH, dostaviti Uredu za reviziju javne uprave i institucija u Brčko distriktu BiH program mjera za prevazilaženje propusta i nepravilnosti utvrđenih u revizorskom izvještaju.

Potrebno je, u cilju jačanja sistema internih kontrola, osigurati dosljednu primjenu svih pisanih procedura i pravila u dijelu: izrade operativnih tromjesečnih planova budžeta i donošenja planova i programa rada institucija Pravosuđa Brčko distrikta BiH.

Potrebno je, sačiniti operativne tromjesečne planove odobrenog budžeta, te na osnovu istih pratiti izvršenje u skladu sa odredbama Zakona o budžetu Brčko distrikta BiH i Zakona o izvršenju budžeta Brčko distrikta BiH za 2014. godinu.

Potrebno je, da sve institucija Pravosuđe, donesu godišnji Program rada sa svim relevantnim pokazateljima kao osnov za utvrđivanje budžetskog zahtjeva radi racionalizacije sredstava za materijalne troškove kod planiranja budžetskih pozicija materijalnih troškova.

Potrebno je da se dnevne evidencije o prisustvu na poslu vode na propisanim obrascima u skladu sa odredbama Uputstva o načinu vođenja evidencija sati, dostavljanju i obračunu zahtjeva za plate.

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA PRAVOSUĐA BRČKO DISTRIKTA BIH ZA 2014. GODINU

1. UVOD

Obavili smo reviziju finansijskog poslovanja Pravosuđa Brčko distrikta BiH za 2014. godinu na osnovu ovlaštenja u skladu sa Zakonom o reviziji javne uprave i institucija u Brčko distriktu BiH i drugim relevantnim propisima, a na osnovu Godišnjeg plana revizija. Revizija je primjenom adekvatnih metoda obavljena u periodu maj – juni 2015. godine.

2. OPĆI DIO

Ustav Bosne i Hercegovine i Statut Brčko distrikta BiH predviđaju vladavinu zakona u Brčko distriktu BiH (u daljnjem tekstu Distrikt). Oni obavezuju Distrikt da obezbijedi najviši nivo međunarodno priznatih ljudskih prava i osnovnih sloboda. Pravosuđe Distrikta je opredijeljeno ostvarivanju navedenih ciljeva kroz stvaranje nezavisnog i efikasnog pravosudnog sistema.

U skladu sa Nalogom supervizora o imenovanju članova Pravosuđa od 08. marta 2001. godine, odredbama Zakona o Pravobranilaštvu Brčko distrikta BiH („Službeni glasnik Brčko distrikta BiH“ broj: 28/06) i Zakona o Pravosudnoj komisiji Brčko distrikta BiH („Službeni glasnik Brčko distrikta BiH“ broj: 19/07), Pravosuđe se sastoji od:

- Osnovnog i Apelacionog suda Brčko distrikta BiH,
- Javnog tužilaštva Brčko distrikta BiH,
- Pravosudne komisije Brčko distrikta BiH,
- Kancelarije za pravnu pomoć Brčko distrikta BiH i
- Pravobranilaštva Brčko distrikta BiH.

Osnovni i Apelacioni sud Brčko distrikta BiH

Distrikt ima samostalno i nezavisno sudstvo koje čine Osnovni sud Brčko distrikta Bosne i Hercegovine (u daljnjem tekstu: Osnovni sud) i Apelacioni sud Brčko distrikta Bosne i Hercegovine (u daljnjem tekstu: Apelacioni sud).

Sudovi sude i štite ljudska prava i osnovne slobode građana zajamčene Ustavom Bosne i Hercegovine, zakonima Bosne i Hercegovine, zakonima i Statutom Brčko distrikta Bosne i Hercegovine. Sudovi također ocjenjuju da li su odredbe zakona Distrikta u skladu s odgovarajućim odredbama Ustava i zakona Bosne i Hercegovine a u skladu s članom 6 stavom 3 tačkom c Ustava Bosne i Hercegovine. Osim toga sudovi imaju nadležnost da odlučuju da li su odredbe zakona Distrikta u skladu sa Statutom Brčko distrikta BiH.

Osnovni sud odlučuje i sudi po predmetima u kojima treba donijeti sudsku odluku po zakonima Distrikta. U Osnovnom sudu se rješavaju krivični, parnični, privredni, prekršajni, vanparnični i izvršni postupci, a također sud je odgovoran za registar zemljišta, privrednih subjekata i preduzeća.

Apelacioni sud ima drugostepenu nadležnost. On odlučuje o redovnim i vanrednim pravnim lijekovima izjavljenim na odluku Osnovnog suda.

Javno tužilaštvo Brčko distrikta BiH

Javno tužilaštvo je nezavisan organ Distrikta koje svoju funkciju obavlja nepristrasno u skladu s Ustavom i zakonima Bosne i Hercegovine, Statutom Brčko distrikta BiH i zakonima Distrikta. Javno tužilaštvo istražuje počiniocima krivičnih djela i usmjerava Policiju Brčko distrikta BiH u

istraživanju krivičnih djela. Javno tužilaštvo također prima, pregleda i postupa po prijavama podnesenim od strane organa Brčko distrikta BiH i drugih pravnih i fizičkih lica.

Pravosudna komisija Brčko distrikta BiH

Pravosudna komisija je samostalno i od drugih organa vlasti Brčko distrikta BiH nezavisno tijelo koje svoje poslove obavlja u okviru djelokruga utvrđenog Statutom Brčko distrikta BiH i zakonima Brčko distrikta BiH. Pravosudna komisija osigurava najviše profesionalne standarde pri imenovanju i razrješenju advokata u Kancelariji za pravnu pomoć, obezbjeđuje sprovođenje zakona i drugih propisa i mjera koje se odnose na organizaciju i rad advokata Kancelarije za pravnu pomoć i Sudske policije Brčko distrikta BiH, te daje saglasnost na pravilnike o unutrašnjoj organizaciji istih.

Kancelarija za pravnu pomoć Brčko distrikta BiH

Kancelarija za pravnu pomoć Brčko distrikta BiH je nezavisan organ Distrikta. Kancelarija je odgovorna za pružanje pravnih savjeta i pravne pomoći fizičkim licima lošeg imovnog stanja na visoko profesionalan način kao što je određeno od strane Pravosudne komisije Brčko distrikta BiH u skladu sa Zakonom o kancelariji za pravnu pomoć Brčko distrikta BiH. Kancelarija svoju funkciju obavlja nepristrasno u skladu sa Ustavom i zakonima Bosne i Hercegovine, Statutom Brčko distrikta BiH i zakonima Brčko distrikta BiH. Kancelarija je nezavisna od sudova i Javnog tužilaštva Brčko distrikta BiH.

Pravobranilaštvo Brčko distrikta BiH

Prema Zakonu o Pravobranilaštvu Brčko distrikta BiH, Pravobranilaštvo obavlja poslove pravne zaštite javne imovine, imovinskih prava i imovinskih interesa Brčko distrikta BiH, njegovih organa i institucija koje imaju svojstvo pravnog lica, a finansiraju se u potpunosti ili pretežno iz budžeta Brčko distrikta BiH, ili u odnosu na njih, Brčko distrikta BiH vrši osnivačka prava i u postupcima pred sudovima i drugim nadležnim organima, preuzima zakonom određene postupke i mjere za zaštitu javne imovine, prava i interesa Brčko distrikta BiH. Pravobranilaštvo prati i proučava stanje i probleme iz svoje nadležnosti i obavještava nadležne institucije i predlaže mjere za sprečavanje društveno štetnih pojava. Pravosuđe Brčko distrikta BiH je na kraju 2014. godine imalo 218 zaposlenika.

3. PREDMET CILJ I OBIM REVIZIJE

Predmet revizije je finansijsko poslovanje Pravosuđa za 2014. godinu, tj. stvarno izvršenje izdataka-rashoda tekućeg budžeta i budžeta kapitalnih potreba, kao i usklađenost poslovanja sa važećim zakonskim i drugim relevantnim propisima.

Cilj revizije finansijskog poslovanja Pravosuđa je da omogući revizoru da predoči nalaze i preporuke o tome da li je finansijsko poslovanje obavljeno u skladu s cjelokupnom zakonskom važećom regulativom Distrikta, kao i odobrenim i izvršenim pozicijama budžeta. Revizija je planirana i izvršena sa ciljem pribavljanja realne osnove da li finansijsko poslovanje Pravosuđa odražava realnu sliku poslovanja tokom godine i stanja na kraju godine. Revizija će utvrditi da li su poduzete sve mjere za namjensko trošenje budžetskih izdataka za svrhe za koje je dato ovlaštenje odobrenim budžetom, postizanje transparentnosti i zakonitosti u radu, kao i javne odgovornosti predsjednika pojedinih organizacionih cjelina Pravosuđa. Revizija uključuje davanje nalaza i preporuka za dalji rad sa posebnim naglaskom na što efikasniju i ekonomičniju zaštitu imovine i trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama pravovremenim i javnim objavljivanjem revizorskog izvještaja.

Obim revizije je utvrđen u skladu sa internim planskim dokumentima revizije finansijskog poslovanja za 2014. godinu.

S obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2013. GODINU

Ured za reviziju javne uprave i institucija u Brčko distriktu BiH, izvršio je reviziju finansijskog poslovanja Pravosuđa za 2013. godinu i dostavio konačan izvještaj broj: 01-02-03-13-334/14. Pravosuđe je sačinilo Program mjera za prevazilaženje propusta i nepravilnosti utvrđenih u revizorskom Izvještaju za 2013. godinu, broj: SuPK-1244/14 od 08.09.2014. godine. Revizijom smo utvrdili, da Pravosuđe nije u roku od 30 dana dostavilo Uredu za reviziju navedeni Program mjera, što nije u skladu s odredbama člana 17 stava 2 Zakona o reviziji javne uprave i institucija u Brčko distriktu BiH.

Potrebno je u roku predviđenim odredbama Zakona o reviziji javne uprave i institucija u Brčko distriktu BiH, dostaviti Uredu za reviziju javne uprave i institucija u Brčko distriktu BiH program mjera za prevazilaženje propusta i nepravilnosti utvrđenih u revizorskom izvještaju.

U toku provođenja revizije za 2014. godinu, uvidom u preduzete aktivnosti, utvrdili smo da **nisu realizovane preporuke koje se odnose na:**

- Nisu doneseni operativni tromjesečni planovi za realizaciju odobrenog budžeta
- Nisu ustrojene evidencije za obračun i isplatu plata u Osnovnom sudu Brčko distrikta BiH,

5. NALAZI I PREPORUKE

5.1. Rukovodstvo i sistem internih kontrola

Radi ostvarenja programskih ciljeva rada kao i ekonomičnog, efikasnog i efektivnog trošenja javnih sredstava neophodno je imati uspostavljen funkcionalan sistem internih kontrola, koje su odgovornost rukovodstva Pravosuđa. Faktor koji primarno utiče na funkcionalnost interne kontrola je povoljno kontrolno okruženje koje prvenstveno dolazi do izražaja kroz organizacionu strukturu, način rukovođenja, prenošenje ovlaštenju, vrednovanje rezultata rada, sistem nagrađivanja i poštivanje postojećih zakonskih i ostalih propisa.

Izvršili smo procjenu uspostavljanja, funkcionisanja i nadzora sistema internih kontrola kao procesa koji je utemeljen i vođen od strane rukovodstva Pravosuđa, a u cilju osiguranja razumnog uvjerenja za efikasnost i uspješnost poslovanja, saglasnosti sa

postojećim zakonima i propisima, zaštite imovine od neovlaštenog prisvajanja, korištenja ili otuđenja.

Slabost internih kontrola ogleda se u nedosljednoj primjeni odredbi Zakona o budžetu Brčko distrikta BiH i Zakona o izvršenju budžeta Brčko distrikta BiH za 2014. godinu, u dijelu izrade operativnih tromjesečnih planova odobrenog budžeta, kojim bi bili obuhvaćeni tromjesečni planovi rashoda i praćenje izvršenja istih.

Sistem internih kontrola nije funkcionisao u izradi dnevnih evidencija ostvarenih sati rada uposlenika jer isti nisu vođeni na propisanim obrascima (obrazac PR1) i nisu ovjereni od strane nadležnih lica.

Potrebno je, u cilju jačanja sistema internih kontrola, osigurati dosljednu primjenu svih pisanih procedura i pravila u dijelu: izrade operativnih tromjesečnih planova budžeta i donošenja planova i programa rada institucija Pravosuđa Brčko distrikta BiH.

5.2. Planiranje i izvršenje tekućeg budžeta

Odobreni budžet Pravosuđa za tekuće izdatke iznosio je 10.481.893,87 KM, a izvršen je 10.053.398,86 KM, ili 95,91% od odobrenog (tabela br. 1 u prilogu Izvještaja). U skladu sa odredbama člana 27 stava 1 Zakona o budžetu Brčko distrikta BiH i člana 14 stava 1 Zakona o izvršenju budžeta Brčko distrikta BiH za 2014. godinu, budžetski korisnici pripremaju i podnose Direkciji za finansije Brčko distrikta BiH operativne (tromjesečne) planove odobrenog budžeta. Na osnovu kvartalnih (tromjesečnih) planova rashoda i raspoloživih budžetskih sredstava, budžetski korisnici prate izvršenje budžeta kako je to predviđeno odredbama člana 26 stava 2 Zakona o budžetu Brčko distrikta BiH.

Uvidom u dokumentaciju utvrdili smo, da ne postoje operativni tromjesečni planovi odobrenog budžeta, kojim bi bili obuhvaćeni tromjesečni planovi rashoda, a samim time ne postoji ni tromjesečno praćenje istih na a što smo upozoravali i u prethodnoj reviziji. Navedeno nije u skladu sa odredbama Zakona o budžetu Brčko distrikta BiH i Zakona o izvršenju budžeta Brčko distrikta BiH za 2014. godinu.

Potrebno je, sačiniti operativne tromjesečne planove odobrenog budžeta, te na osnovu istih pratiti izvršenje u skladu sa odredbama Zakona o budžetu Brčko distrikta BiH i Zakona o izvršenju budžeta Brčko distrikta BiH za 2014. godinu.

Program rada Osnovnog i Apelacionog suda Brčko distrikta BiH sadrži opisana područja rada i to: radovi na krivičnom referatu, radovi na prekršajnom referatu, radovi na građansko-pravnom i upravnom referatu. Program rada ne sadrži kvantitativne pokazatelje o predstojećim zadacima, stanje neizvršenih predmeta iz prethodnog perioda, dinamiku izvršenja, resurse koji su potrebni za izvršenje Programa i sl. Iz datih pokazatelja nije moguće sačiniti budžetski zahtjev potrebnih sredstava za njegovu realizaciju.

Potrebno je, da sve institucija Pravosuđe, donesu godišnji Program rada sa svim relevantnom pokazateljima kao osnov za utvrđivanje budžetskog zahtjeva radi racionalizacije sredstava za materijalne troškove kod planiranja budžetskih pozicija materijalnih troškova.

5.2.1. Izdaci za bruto plate i naknade

Izdaci za bruto plate i naknade, odobreni su u iznosu od **7.352.775,45 KM**, a realizovani **7.088.860,10 KM**. Revizijom smo utvrdili da ne postoji jedinstvena metodologija vođenja pripremnih dokumenata za obračun plata i naknada evidencije o prisustvu na poslu kod pojedinih institucija ne vode se na propisanim obrascima (Osnovni sud Brčko distrikta BiH), te da na postojećim pomoćnim obrascima nedostaju potpisi ovlaštenih lica i zaposlenih radnika. Navedeni način evidentiranja prisustva na poslu, ne obezbjeđuje pouzdane podatke za izradu mjesečnog zahtjeva za plate (obrazac ZP 1). Navedeno nije u skladu sa odredbama člana 3 Uputstva o načinu vođenja evidencija sati, dostavljanju i obračunu zahtjeva za plate.

Potrebno je da se dnevne evidencije o prisustvu na poslu vode na propisanim obrascima u skladu sa odredbama Uputstva o načinu vođenja evidencija sati, dostavljanju i obračunu zahtjeva za plate.

5.2.2. Ugovorene Usluge

Odobreni iznos sredstava za ove namjene iznosio je 1.974.899,46 KM a izvršeni 1.907.899,46 KM. Najznačajniji iznosi ugovorenih usluga se odnose na: pravne usluge koje iznose 266.447,80 KM, usluge bolničke zaštite 75.400,47 KM, troškovi izvršenja kazne zatvora 1.254.709,50 KM i usluge vještačenja-spoljni saradnici 164.450,98 KM.

6. Komentar

Pravosuđu Brčko distrikta BiH, uručen je Nacrt izvještaja o reviziji finansijskog poslovanja na dan 31.12.2014. godine, broj: 01-02-03-13-318/15, na razmatranje i dostavljanje eventualnih novih dokaza i primjedbi na nalaze revizije.

U ostavljenom roku od 15 dana, Pravosuđe Brčko distrikta BiH očitovalo se dopisom, broj: SuPK-1062/15 od 10.08.2015. godine, i nije imalo primjedbe na nalaze iz Nacrta izvještaja, te je ovaj Izvještaj konačan.

Tim za reviziju:

Bašić Avdija, dipl. oec.

Amra Ilić, dipl. oec.

Mr. sci. Savo Grujić, dipl. oec.

7. PRILOZI

Izveštaj o godišnjem izvršenju budžeta za 2014. godinu

Tabela br. 1

Ekon. kod	Naziv ekonomskog koda	Planirani tekući budžet za 2014. god.	Virmanizac.i rebalans	Konačan plan budžeta 2014. god.	Izvršenje tekućeg budžeta 2014.	% izvršenja 5/6*100
1	2	3	4	5	6	7
611100	Bruto plate	7.208.465,00	-29.449,55	7.179.015,45	6.975.670,09	97,17
611200	Naknade troškova zaposle.	173.760,00	0,00	173-760,00	113.190,01	65,14
612100	Dopr. na teret poslodavca	228.280,80	3.591,34	231.872,14	216.982,00	93,58
613100	Putni troškovi	79.100,00	2.500,00	81.600,00	65.047,63	79,72
613200	Izdaci za energiju	171.000,00	-3.000,00	168.000,00	161.679,73	96,24
613300	Izdaci za komun. usluge	228.100,00	-13.833,18	214.266,82	199.049,40	92,90
613400	Nabavka materijala	201.500,00	13.100,00	214.600,00	205.060,10	95,55
613500	Izdaci za usl. prev. i goriva	54.500,00	4.000,00	58.500,00	47.007,91	80,36
613700	Izdaci za tekuće održavanje	116.860,00	38.000,00	154.860,00	138.271,14	89,29
613800	Izdaci za osigur., bank. usluge i usl. platnog prometa	30.120,00	400,00	30.520,00	23.727,98	77,75
613900	Ukupno ugovorene usluge	1.906.080,00	68.819,46	1.974.899,46	1.907.712,87	96,90
	UKUPNO	10.397.765,80	84.128,07	10.481.893,87	10.053.398,86	95,91

Realizacija budžeta kapitalnih potreba

Tabela br. 2

Godina	Planiran kapitalni budžet po godinama	Izvršenje kapitalnog budžeta u 2012.	Izvršenje kapitalnog budžeta u 2013.	Izvršenje kapitalnog budžeta u 2014.	Izvršeno na dan 31.12.2014. (2+3+4)	Neurošena planirana sredstva na dan 31.12.2014. (1-5)	% izvršenja na dan 31.12.2014. (5/1*100)
0	1	2	3	4	5	6	7
2012.	400.000,00	391,99	290.231,41	75.703,24	366.326,64	33.673,36	91,58
2013.	485.595,77	0,00	36.898,43	133.243,58	170.142,01	315.453,76	35,04
2014.	630.704,43	0,00	0,00	25.794,52	25.794,52	604.909,91	4,09
Ukupno	1.516.300,20	391,99	327.129,84	234.741,34	562.263,17	954.037,03	37,08

PRIHODI

Tabela br. 3

R. br.	Ekonomski kod	VRSTA PRIHODA	2014		% ostvarenja
			plan prihoda	ostvarenje I-XII	
1.	720000	NEPOREZNI PRIHODI	2.160000,00	1.928.674,95	89,29
2.	721000	Prihodi od poduzetničkih aktivnosti	0,00	105,47	
3.	722000	Naknade i takse i prihodi od pružanja javnih usluga	1.580.000,00	1.561.303,23	98,82
4.	722100	Administrativne takse	0,00	30,00	
5.	722200	Sudske takse i sudske naknade	1.580.000,00	1.479.406,49	93,63
6.	722300	Komunalne takse	0,00	200,00	
7.	722400	Ostale budžetske naknade	0,00	1.342,08	
8.	722600	Prihodi od pružanja javnih usluga	0,00	80.112,10	
9.	722700	Neplanirane uplate	0,00	212,56	
10.	723000	Novčane kazne	580.000,00	367.266,25	63,32
11.	730000	Tekuće potpore	123.244,67	64.835,37	52,61
12.	700000	UKUPNO PRIHODI	2.283.244,67	1.993.510,32	87,31